

Powšitkowne WOZJEWJENJA

njedźelu, 25. julija 2021

Wusyłanje Božeje mše

Serbskorěčnu Božu mšu móža wěriwi tutu njedźelu, 25. julija, znowa jako livestream w interneće scěhować. Wona přenese so w 9 hodž. z Chróšćanskeje cyrkwyje. Link na nju je pod www.posol.de a na wosadnej stronje podaty.

Beneficny koncert za Morawu

Hudźbne skupiny Horjany, Chróšćanscy muzikanća, Přezpólni a Chróšćanski cyrkwin-ski chór chcedža na dobro woporow tornada na južnej Morawje beneficny koncert wu-hotować. Tutón wotměje so tutu njedźelu, 25. julija, wot 10 do 13 hodž. na Chróšćan-skim farskim dworje. Wšitcy zbliska a zdaloka su na njón wutrobnje přeprošeni. Wobjed budže zaručeny.

Zdobom je Towarstwo Cyrila a Metoda z.t. (TCM) ze swojej akciju „Łužica pomha“ po wudyryjenju katastrofy zwisk do Brnjanskeje diecezy na Morawje nawjazało a prosy wšěch naležnje, zo bychy potrjechenych finacielnje podpěrali. Pjenježne dary móža so na konto Cyrill-Methodius-Verein e.V., IBAN: DE 65 750 90 300 000 828 23 66, pod hesłom „Morawa“ přepokazać. Štóž swoju dospołnu adresu poda, tomu wustaji TCM darowansku kwitowanku. Brnjanske biskopstwo potom dary z Łužicy potrjechenym wo-sadam posrědkuje. Z beneficnym koncertom so zběrka za Morawu zakónči.

Potrjechenym powodženja w zapadže pomhać

Za potrjechenych powodženja w zapadnej Němskej zahaji Towarstwo Cyrila a Meto-da z.t. (TCM) ze swojej akciju „Łužica pomha“ nowu zběrku. Wone hromadži za potrje-chenych wosady we Weilerswisce juhozapadnje Kölna. Tam bydlaca mloda serbska swójba je zwisk sposrědkowala. Nadrobnje je tole w Katolskim Posole wopisane. Pjenježne dary móža so na konto Cyrill-Methodius-Verein e.V., IBAN: DE 65 750 90 300 000 828 23 66, pod hesłom „Weilerswist“ přepokazać. Štóž swoju dospołnu adresu poda, tomu wustaji TCM darowansku kwitowanku.

Jězba po slědach swjateje Ludmile

Lětsa spominamy na 1.100lětnu posmjertniny swjateje Ludmile. W Českej so na tutón wjeršk wosebje přihotuja. Na swjatočnosćach chcemy so tež z Łužicy na tym wob-dźělić. Jězba do Prahi je planowana wot štwórtka do soboty, 16. do 18. septembra. Program wopřija wodženje po českej stolicy po slědach swjateje Ludmile, winowy swje-dzeń w Mělníku a narodnu putnisku Božu mšu w Tetínje, hdžež je swjata Ludmila 15. septembra 921 zemřela. Zajimcy za jězbu měli so hač do pjatka, 30. julija, w Šmitec wozydłownistwje w Radworju přizjewić, telefonowe čisło (03 59 35) 28 60.

Wustajeńca wo smjertnych rubach Chrystusowych

Kulowska wosada přeprošuje na wustajeńcu wo smjertnych rubach Chrystusowych. Ta budže wot njedźele, 1. awgusta, do póndźele, 30. awgusta, w Kulowskej Křižnej cyrkwi na Budyskej 32 přistupna. Hižo pjatk, 30. julija, we 18 hodž. swjeći so składnostnje wotewrjenja wustajeńcy nyšpor w tutym Božim domje. Zestajało je ju towarstwo PENUEL, kotrež rozumi so jako kruh přećelow wěrneho wobliča Jězu Chrysta. Wone přeslědźuje historiske smjertne ruby a prócuje so wo to, je zjawnosći spřistupnić. Čłonojo tohole towarstwa z wjacorych europskich krajow zetkaja so wot pjatka do njedźele, 13. do 15. awgusta, w Kulowje k swojemu lětnemu schadźowanju. Kolpingowa swójba a druhe skupiny wustajeńcu přewodžeja a podpěruja.

Wulět młodostnych do Sakskeje Šwicy

Dekanatne dušepastyrstwo młodžiny přeprošuje młodostnych ze wšěch serbskich wosadow wot přichodneho 9. lětnika na zhromadny wulět do Sakskeje Šwicy, a to njedźelu, 19. septembra. Wotjězd budže něhdže w 12 hodž., nawrót je w 20 hodž. planowany. Přinošk we wysokosći 20 eurow wopřija jězbu z busom, jědž a jězbu z čołmom. Přizjewjenja přijimuju so hač do póndźele, 30. awgusta, online. Wotpowědny link k tomu je pod www.posol.de podaty. Dokładny plan wotjězda busa so po 30. awgusće přizjewjenym wosobinsce zdžěli.

Jězba z busom do Bayerskeje

Na serbsku busowu jězbu wot póndźele do pjatka, 6. do 10. septembra, přeprošuje Radworske Šmitec busowe wozydłownistwo. Duchowny nawod změje farar Gerat Warnar, organizatoriski Borbora Młynkowa. Planowane stacije su mjez druhim Dachau, Neuschwanstein a Füssen, Andechs, Ottobeuren a na dompuću Coburg. Přizjewjenja přijimuje Šmitec wozydłownistwo, telefonowe čisło (03 59 35) 28 60.

Z busom do Krupki kemši

Na putniku Božu mšu srjedu, 25. awgusta, w 10 hodž. w Krupce pojedže zaso bus. Štóz chcył sobu jěć, měł so w Šmitec wozydłownistwje w Radworju přizjewić, telefonowe čisło (03 59 35) 28 60.